



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 413;
fax. +387 33 726 414
e – mail: info@voda.ba

Broj: **UP-1/21-3-40-524-3/22**
Datum: **06.10.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica CENGIZ INSAAT SANAYI VE TICARET ANONIM SIRKETI – Podružnica Zenica za donošenje rješenja o vodnoj dozvoli za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona izgrađenog u sklopu gradilišnog kampa «Golubinja» u naselju Golubinja, općina Žepče na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu CENGIZ INSAAT SANAYI VE TICARET ANONIM SIRKETI – Podružnica Zenica daje se vodna dozvola za ispuštanje tehnoloških otpadnih voda u prirodni recipijent i za aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada postrojenja za proizvodnju betona kapaciteta 90m³/h (privremenog karaktera) izgrađene u sklopu gradilišnog kampa «Golubinja» u naselju Golubinja, na zemljištu označenom kao k.č. broj: 562/1, 562/2, 562/4 i 561/5 K.O. Golubinja, općina Žepče.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dostavljene dokumentacije, izvršenog uviđaja i utvrđenog činjeničnog stanja na objektu i pod sljedećim uslovima:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa uslovima iz ove vodne dozvole.
 - 3.1. Da se objekti čija je svrha odvođenje i prečišćavanje onečišćenih voda (pravougaoni betonski trodjelni taložni bazen, betonski kanali i slivna rešetka, separator ulja i masti, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.2. Da korisnik postrojenja za proizvodnju betona za sve vrijeme trajanja ove vodne dozvole, odnosno perioda rada betonare, obezbjeđuje da se vode nastale u proizvodnom postupku spravljanja betona, pranjem tehnološke opreme i vozila za transport betona nesmetano odvođe do trokomornog taložnika odakle nakon izbistravanja, zajedno sa oborinskim vodama sa radno-manipulativnih površina koje gravitiraju postrojenju prikupljenim putem kanala sa slivnom rešetkom, odlaze na tretman do separatora ulja i masti sa prelivom u lokalni potok. Prečišćene vode se kroz propust ispod magistralne saobraćajnice disponiraju u krajnji recipijent, rijeku Bosnu.

- 3.3. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
- 3.4. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.5. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.7. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.8. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. Da se vrši redovno održavanje ispusta, dijela obale i korita lokalnog potoka kao i pristupa mjestu na kojem se nalazi ispust otpadnih voda iz predmetnog kompleksa.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice CENGIZ INSAAT SANAYI VE TICARET ANONIM SIRKETI – Podružnica Zenica obratio se dana 03.10.2022. ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i za aktivnosti koje mogu privremeno ili trajno

degradirati kvalitet voda ili ometati poboljšanje njihovog postojećeg kvaliteta u toku rada kompleksa za proizvodnju betona kapaciteta 90 m³/h lociranog na zemljištu označenom kao k.č. broj: 562/1, 562/2, 562/4 i 561/5 K.O. Golubinja, općina Žepče.

U provedenom postupku za izdavanje vodne dozvole na raspolaganju je bila i pregledana je slijedeća dokumentacija:

A- Opšta dokumentacija:

- Kopija Rješenja za građenje broj UPI/03-19-2-126/22 od 11.07.2022. godine donesana od strane Federalnog ministarstva prostornog uređenja kojim je, između ostalih, obuhvaćena i predmetna betonara;
- Kopija izvještaja br 1815/22 od 30.09.2022. o ispitivanju tehnoloških otpadnih voda na predmetnom lokalitetu, urađen od strane Inspekt RGH d.o.o. Sarajevo;
- Kopija Ugovora o izvođenju radova na odvozu i zbrinjavanju emulzionih ulja, otpadnog (rabljenog) ulja, starih filtera, zauljenih krpa i zauljenog otpada sa predmetne lokacije sa firmom „Delta petrol“ Kakanj d.o.o. broj. 1980/21-DS;
- Dokaz o uplaćenju federalnoj upravnoj pristojbi na zahtjev;

Ranije dostavljena u postupku donošenja ovog rješenja korištena je i dokumentacija uložena u omot spisa broj UP-1/21-2-40-289-4/22:

- Ovjerena kopija Rješenja o registraciji podružnice stranog društva u sudski registar broj: 043-0-Reg-21-000926 izdatog dana 13.09.2021. godine od strane Općinskog suda u Zenici,
- Ovjerena kopija Uvjerenja o registraciji poreznog obveznika izdatog dana 24.09.2021. godine od strane Porezne uprave Federacije BiH-Kantonalni porezni ured Zenica,
- Stručno mišljenje broj: 03-19-4-976/21 o lokaciji privremene betonare izdato dana 14.06.2021. od strane nadležne Službe za graditeljstvo i prostorno uređenje Općina Žepče,
- Kopija Rješenja o prethodnoj vodnoj saglasnosti broj: UP-I/25-1-40-284-4/21 izdatog dana 27.07.2021. godine od strane «Agencije za vodno područje rijeke Save» Sarajevo,
- Kopija Rješenja o prethodnoj vodnoj saglasnosti broj: UP-I-04-21-2-395/2022 za korištenje vode za potrebe betonare u količini od 1,74l/sec iz mjesnog vodovoda MZ Golubinja izdatog dana 27.04.2022. godine od strane Službe za gospodarstvo i finansije Općina Žepče,
- Kopija Zahtjeva broj: P-N/Oth.22/117 za izdavanje vodnog akta za ispuštanje sanitarno-fekalnih voda iz privremenog gradilišnog kampa upućenog 03.06.2022. godine nadležnom Ministarstvu za poljoprivredu, šumarstvo i vodoprivredu Zeničko-dobojskog kantona,

Ranije dostavljena u postupku donošenja ovog rješenja korištena je i dokumentacija uložena u omot spisa broj UP-I/25-1-40-284-4/21:

- Stručno mišljenje broj: 03-19-4-976/21 o lokaciji privremene betonare izdato dana 14.06.2021. od strane nadležne Službe za graditeljstvo i prostorno uređenje Općina Žepče,
- Izvodi iz Posjedovnog lista broj 160, 190, 763 i 758 izdati dana 10.06.2021. godine od strane Službe za graditeljstvo i prostorno uređenje Općina Žepče,
- Kopija katastarskog plana izdatog dana 10.06.2021. godine od strane Službe za graditeljstvo i prostorno uređenje Općina Žepče,
- Kopija Ugovora o zakupu zemljišta označenog kao k.č. broj: 562/1 K.O. Golubinja, općina Žepče (PL 160) zaključenog dana 21.12.2020. godine između CENGIZ INSAAT SANAYI VE TICARET ANONIM SİRKETİ – Podružnica Zenica i Munir Husejnagić,
- Kopija Ugovora o zakupu zemljišta označenog kao k.č. broj: 562/2 K.O. Golubinja, općina Žepče (PL 160) zaključenog dana 21.12.2020. godine između CENGIZ INSAAT SANAYI VE TICARET ANONIM SİRKETİ – Podružnica Zenica i Edib Husejnagić,

- Kopija Ugovora o zakupu zemljišta označenog kao k.č. broj: 562/4 K.O. Golubinja, općina Žepče (PL 160) zaključenog dana 21.12.2020. godine između CENGIZ INSAAT SANAYI VE TICARET ANONIM SIRKETI – Podružnica Zenica i Sedija Smriko,
- Kopija Ugovora o zakupu zemljišta označenog kao k.č. broj: 561/5 K.O. Golubinja, općina Žepče (PL 160) zaključenog dana 11.01.2021. godine između CENGIZ INSAAT SANAYI VE TICARET ANONIM SIRKETI – Podružnica Zenica i Eldin Husejnagić i Ernad Husejnagić,

B- Tehnička dokumentacija:

Glavni projekat KNJIGA I 1081 – Projekat privremenih gradilišnih objekata – vodovod i kanalizacija (tekstualni dio i nacrti) urađen od strane «HIGRACON» d.o.o. Sarajevo, broj: 2044, decembar 2021. godine te revidovan od strane «PPG» d.o.o. Sarajevo, februar 2022. godine, (vraćena podnosiocu zahtjeva uz Rješenje)

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22) izvršen je uviđaj na prostoru proizvodnog pogona betonare sa pratećim sadržajima kapaciteta 90 m³/h lociranog na zemljištu označenom kao k.č. broj: 562/1, 562/2, 562/4 i 561/5 K.O. Golubinja, općina Žepče i tom prilikom sačinjen Zapisnik o izvršenom uviđaju broj: UP-1/21-3-40-524-2/22 od 05.10.2022. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Predmetni kompleks izgrađen je u naselju Golubinja, općina Žepče u sklopu gradilišnog naselja koje je za svoje potrebe formirao izvođač radova CENGIZ INSAAT SANAYI VE TICARET ANONIM SIRKETI – Podružnica Zenica i isti je privremenog karaktera i shodno svojoj namjeni ukloniće se nakon završetka radova na dionici Poprikuše – Nemila.
- U sklopu kompleksa a za potrebe prikupljanja i tretmana otpadnih voda izgrađen je separatan sistem kanalizacije.
- Snabdijevanje vodom betonare vrši se sa vodozahvata izgrađenog na mjesnom potoku. Izgrađen je poseban rezervoar 60 m³ za potrebe betonare. Redovno se vrše ispitivanja kvaliteta vode koja se koristi.
- Tehnološke otpadne vode koje nastaju u proizvodnom postupku spravljanja betona, prilikom pranja miksera i druge procesne opreme te pranjem dijela radnog platoa odvođe se do trokomornog betonskog taložnika odakle nakon izbistravanja preko preliva odlaze na tretman u separator ulja i masti sa prelivom u lokalni potok. Oborinske vode sa radno-manipulativnih površina koje gravitiraju postrojenju prikupljaju se putem betonskog kanala sa slivnom rešetkom a potom odlaze na tretman u separator ulja i masti. Krajnji ispušt prečišćenih voda je u rijeku Bosnu.
- Investitor je angažovao certificiranu laboratoriju „Inspekt RGH“ d.o.o. Sarajevo da izvrši monitoring otpadnih voda sa predmetne lokacije. Rezultati analiza kvaliteta i kvantiteta otpadnih voda tj. izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente, u skladu sa odredbama Uredbe.
- Za potrebe čišćenja i održavanja kanizacionog sistema, podnosilac zahtjeva je angažirao firmu „Delta petrol“ Kakanj d.o.o.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja

i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva CENGIZ INSAAT SANAYI VE TICARET ANONIM SIRKETI – Podružnica Zenica ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. broj: 562/1, 562/2, 562/4 i 561/5 K.O. Golubinja, općina Žepče te je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Haris Ališehović, dipl.inž.građ.

Nermina Hodžić, dipl.inž.građ.

Prilog: Tehnička dokumentacija navedena pod tačko B obrazloženja rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl. inž. građ.

Dostaviti:

- «CENGIZ INSAAT SANAYI VE TICARET ANONIM SIRKETI» – Podružnica Zenica
Vrandučka bb, 72000 Zenica, (sa prilogom),
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava